



GIUSEPPE CABIZZOSU

BIBLIOTECA

www.giuseppecabizzosu.it

Michele De Villa
(XIX sec.)

**Poesie scelte
in lingua sarda**



GIUSEPPE CABIZZOSU

BIBLIOTECA

www.giuseppcabizzosu.it

Michele de Villa

(XIX sec.)

Poesie scelte
in lingua sarda



GIUSEPPE CABIZZOSU

BIBLIOTECA

www.giuseppcabizzosu.it

Michele de Villa

(XIX sec.)

Autore di canzoni molto popolari nella seconda metà dell'800.

Peregrinos famosos

Peregrinos famosos
chi in su mundu continu regirades,
retrattos primorosos,
bellesas peregrinas chi chircades
innoghe firmadebos
chi prus rara bellesa no agatades
ne Apelles pintore
mai pintesit cun tantu primore.
Miradela a s'aspettu:
in magestade est simile a Giunone,
si meritat rispettu
sa presenza e composizione;
alcanzat su secretu
che calamid'in s'attrazione
de si fagher amare
e cale dea de la venerare.
Cun sos rajos dorados
cand'ispuntat su sole in oriente
dimostras retrattados
sos pilos suos che oro lughente
chi jughet anellados
subra de sas massiddas in sa mente,
cadenas de diamantes
fattas pro incadenare sos amantes.
Sas massiddas de rosa
cunservat de sas laras corallinas,
sa fronte ispaziosa
cale isplendida luna cristallina,
totu paret formadu
pro tenner custu coro incadenadu...
Sos ojos osservade
chi sun duas istreglias luminosas,
attentos los mirade
chi dissipan sas nues burrascosas,
donant serenidade
in mesu de sas nues tempestosas,
portentu soberanu
duplicada ancora a su manzanu.
Cand'iscappat s'arrisu
paret sa cara unu chelu serenu,
faghet suave azzisu,
lassat sos coros de dulzura pienu,
terrestre paradisu
no hat in sos fiores pius amenu,
li format tale incantu

chi cambiat in risu dogni piantu.
Sa tua biancura
non b'hat latte ne nie agualare,
perfetta in s'ermosura
retrattu primorosu de ammirare;
alcanzat cun dulzura
su trattu e modu tou, su faeddare
tot'est fattu a primore
pro ligare sos coros in s'amore.
Ti cheria pintare
de su candidu sinu s'ermosura
ma no isco ispiccare
cun perunu uguale sa biancura;
s'ispuma de su mare,
su latte e nie paret cosa oscura
in comparazione,
non b'hat un'uguale perfezione.
Non lu podet pius bellu
unu retrattu formare pintore
ne su mezus pinzellu
prus bellu podet dare unu colore
ne rosa, ne gravellu
ne de jardinu unu mezus fiore
formada de natura
no hat un'uguale architettura.
Su passu in camminare
bandat cun mesurada distinzione,
non podesi ideare
bellas in s'immaginazione
ca simile retrattu
mai pius unu Deus non d'hat fattu...
Cagliessi dogni istoria
de vantare bellesas e diosas,
non servit sa memoria
piena de ideas fabulosas,
custa tenet vittoria
in totu sas bellesas portentosas,
in tottu sas creaturas
non b'hat bellesas tales ne ermosuras.
Perdona amada dea
difettos de sa limba in su cantare,
fit bona sa idea
ma non si podet su chelu pintare;
hap'a fagher serea
pro chi supplat su coro in su t'amare
su coro in sos affettos
det supplire sa limba in sos defettos.